



ATASSUT INATSISARTUNI

ATASSUT

UPA14/109-1

Knud Kristiansen

20.05.2014

**Kalaallit Nunaata Nunavullu allaffissornikkut politikikkullu
suleqatigiinnerulersinnaanerannut periarfissat pillugit kiisalu
niueqatigiinnerulersinnaanermut periarfissat pillugit nassuiaasiornissamik Naalakkersuisut
peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Doris Jakobsen, Siumut)

Siunnersuuteqartoq ATASSUT-miit qutsavigaarpuit.

Tunngaviusumik siunnersuut ATASSUT-miit soqtiginartutut tiguarput, pingaartumik niuernikkut annertunerusumik periarfissarsiorsinnaaneq aallaavigalugu, taamatullu ilinniartitaaneq eqqarsaatigalugu isumaqarpugut arlaatigut iluatinnartoqarsinnaasoq.

Ukiut siuliini maani inersuarmi oqallinnerit, siunnersuutit assigusinnaasut ingerlanneqartarput. Tamatigullu nunatta tungaanit annerusumik suleqatiginnikkusunneq mikinngikkaluartoq, illuatungaanit apeqquaajuartarsimavoq qanoq annertutigisumik suleqatiginnikkusunnerat, tamannalu maannamut killiffiusartoq ATASSUT-mi isumaqarpugut.

Ukioq 2000-mi Memorandum of Understanding (MOU) atsioqatigiinnermi, kingornalu ineriartorteqqinnejartumit, nannut pillugit, niuerneq pillugu, ilinniartitaaneq aammalu kulturi oqaatsillu pillugit tunngaviusoq ineriartorteqqinnejarnissaa ATASSUT-miit aqqutissaasoraarpuit, tassuunakkullu qulaani anguniakkavut naammassineqarsinnaasut isumaqarluta.

Maannamut pikkorissarneq, ilinniartitaanerlu eqqarsaatigalugit misilitakkavut annikikkaluartut, ATASSUT-mit isumaqarpugut ineriartorteqqinissaanut tunngavissaqartoq, ilaatigut kulturikkut paarlaasseqatigiinnerit, inuuusuttut akornanni eqqarsaatigalugit, tamannalu kaammattutigerusunnarpoq periarfissarsiuunneqarnissaa.



ATASSUT INATSISARTUNI

Naalakkersuisut akissumminni Premierministerip tikeraarnissaq nalunaarutigaat, tassanilu qanoq suleqatigiinnerup ineriatorteqqinnissaanut aqqutissanik oqaloqatigiinnissaq ATASSUT-miit isumalluarfigaarput, aammalu tassunga atatillugu Naalakkersuisut akissutaat tigulluarparput.

Taamatut oqaaseqarluta ATASSUT-miit Naalakkersuisut akissutaat tusaatissatut tiguarput.